

海王邨古籍叢刊

張文襄公全集

中國書局

御王邸古籍叢刊

張文襄公全集

海王邨古籍丛刊

張文襄公全集

張之洞著

第一冊

中國書店

内 容 简 介

张之洞是清末洋务派主要代表人物之一，曾任清政府重要官职四十余年。本书是他毕生著作、文稿的汇编，共二百三十一卷，包括政治、经济、教育等各个方面。内容丰富，版本传世罕见，极为珍贵，是研究中国近代史的重要资料。

海王邨古籍丛刊
张文襄公全集（全四册）

张之洞 著

*

出版

新华书店首都发行所发行 昌平新兴印刷厂印刷

*

850×1168 1/32 印张：128.875

1990年10月第1版 1990年10月第1次印刷

印数：600册

ISBN 7-80568-155-4/K · 24

定价：98.00元

《海王邨古籍叢刊》出版說明

中國古代的典籍文獻，是中華民族智慧的結晶、歷史的升華，充分表現了我國傳統文化的豐富內涵，可謂「汗牛充棟，浩如煙海」。近些年來，隨着古籍出版事業的繁榮發展，一些大型古籍叢書如「四庫全書」、「四部備要」、「四部叢刊」等陸續出版，為繼承和保護祖國傳統歷史文化起到了積極的作用。然而，僅僅幾部大型叢書，只能反映中國古籍的鳳羽麟角，並不能滿足對中國傳統文化研究和發展的需要。因此，為再現中國傳統文化的風采，提供更為豐富的歷史資料，滿足學術研究的需求，中國書店精選部分學術水平較高、版本流傳稀少、實用性較強的古籍圖書匯輯成《海王邨古籍叢刊》，影印出版。

《海王邨古籍叢刊》所遴選匯輯的古籍包括歷史典籍、考古論著、文學專集、法律匯典等各個方面圖書，範圍廣而博，內容鮮而優。其中少量古籍雖已收入其它叢書，但版本、校勘各異，並為廣大學者所急需，故仍匯輯在本叢刊之中。

本叢刊之所以稱為《海王邨古籍叢刊》源於北京琉璃廠文化街的歷史地名。

琉璃廠在遼代時是南京城（今北京）東門外郊坳的小村落，稱為「海王邨」。曾一度因修建起遼金時巨剎延壽寺而成為繁榮之所。元代，這裏開始建立琉璃窯廠，「琉璃廠」便由

此得名，而『海王邨』漸漸被人們所遺忘。清康熙年以後，琉璃廠逐漸繁華，到乾隆年間發展成爲『九市精華萃一衢』的文化街。在長約兩里的街道上，集中了近百家經營古舊書刊、文房四寶、碑帖字畫、金石篆刻、古玩珠寶、手工藝品等店鋪，鱗次櫛比，是中國傳統文化的縮影和櫥窗，被譽爲『中國博物館街』。

中國書店座落在琉璃廠文化街上，它在幾十年的歷程中收集保存了數以萬計的古舊書刊，其中有許多稀世罕見的善本古籍。我們出版的這部古籍叢刊，絕大部分是從中國書店收存的善本古籍中精選匯輯而成。爲恢復和發揚我國古舊書店的傳統經營風格，保持和突出北京琉璃廠的文化特色，乃將這部叢書定名爲『海王邨古籍叢刊』。

《海王邨古籍叢刊》是中國書店匯輯出版的第一部古籍叢書，它的出版將爲文化學術研究提供豐富的古籍資料，參考價值高，卷帙浩繁。我們將在諸方面的支持幫助下，努力尋求最佳版本，向廣大讀者奉獻出一部內容豐富、版本稀少、裝幀出色、宜於普及的古籍叢書，希望得到學術界、文化界的批評指正，爲繁榮文化學術事業做點微薄的貢獻。

中國書店

一九九〇年二月

張文襄公全集總目

卷首 上下二卷

奏議 七十二卷

電奏 十三卷

公牘 三十六卷

電牘 八十卷

勸學篇 二卷

輔軒語 二卷

書目答問 四卷

讀經札記 二卷

張文襄公全集

總目

古文 二卷

書札 八卷

駢文 二卷

詩集 四卷

弟子記 一卷

家書 一卷

張文襄公全集總目終

張文襄公全集卷首上
上諭

宣統元年八月二十三日內閣奉上諭大學士張之洞公忠體國廉正無私荷先朝特達之知由翰林洊升內閣學士簡授山西巡撫總督兩廣湖廣權理兩江凡所設施皆提倡新政利國便民庚子之變顧全大局保障東南厥功甚偉旋以總督晉陟綸扉入參機要管理學部事務宗旨純正懋著勤勞朕御極後深資倚畀晉加太子太保銜服官四十餘年筆畫精詳時艱匡濟經猷之遠大久爲中外所共見近因患病屢經賞假調理並

張文襄公全集卷首上

賞賜人蔭方其克享遐齡長資輔弼茲聞溘逝軫惜殊深著賞給陀羅經被派郡王銜貝勒載濤帶領侍衛十員卽日前往奠醴並賜祭一壇加恩子諡文襄晉贈太保照大學士例賜卹入祀賢良祠賞銀三千兩治喪由廣儲司給發任內一切處分悉予開復應得卹典該衙門察例具奏靈柩回籍時沿途地方官妥爲照料伊子禮部郎中張權著以四品京堂候補郵傳部學習員外郎張仁侃著以郎中補用伊孫選拔生張厚琨著賞給主事分部補用用示篤念盡臣至意欽此

諭祭文

朕維遠猷經國重臣資翊贊之勳偉略匡時良弼著賢勞之績抱丹忱於夙夜志勵冰淵念黃髮以縈懷望隆柱石乃前席猶殷夫倚畀而駢貳遽告夫淪殂追思補袞之功用賁加遽之典爾晉贈太保原任大學士張之洞植躬廉正秉性忠純早操魏科踵武天人之策深明邊要究心疆索之謀議大禮而經義敷陳平疑獄而官常整肅迴翔中秘已儲公輔之資典領方州俾展恢宏之量汾陰頒化黜徇貨以儆貪邪晉水揚清徵良幹以升英備屬以南交有事東粵量移驅策羣材籌筆遐規

張文襄公全集

卷首上

二

平滇桂輯和諸將特効旁應平臺澎軍備言竣儒風斯起仿分齋之成法兼別國之方言既而久鎮鄂州再權江表造端遠大研慮精微設卅人以紹周京置鐵官而師漢制詔荆湘之髦士勸學成書控江漢之上游典兵有制舉通商惠工之美政悉宜民道國之良圖資保障於東南宵旰之憂勤是慰定師承於漢宋修明以經術爲先泊貨樞機益勤獻納綱繆至計時陳造勝之言規畫宏謨備極啟心之論方其滄臻大耋和羹常賴調元何圖淹染沈疴上藥竟難奏效遺章入告猶抒篤架之忱時礎初頽曷勝咨嗟之感命宗藩而莫醲典備哀榮

列祠祀而哀崇禮優耆碩於戲慨老成之長往曳履無聞念讜議之如存臨軒增悼靈其來格欽此茲芬

又

朕惟朝資輔弼兼經權體用之才時值艱難思心膺股肱之佐爰申學莫用賁綵言爾晉贈太保原任大學士張之洞學問博通經濟閱遠持躬廉正體國公忠早對彤廷遊璇宮之賞譽近遷紫掖切金殿之論思文章獨出平詞林奏議盡關於時務屢司冰鑑掄才而語著輶軒滄厯清班晉秩而望崇館閣遂荷先朝之知遇疊膺數省之封疆撫晉則財政清釐控粵則敵鋒挫衄武昌

張文襄公全集

卷首上

三

作鎮江表宣勤大局危而恃以安國是紛而資以定綜其新猷之建設悉原舊學之研明乃晉位鈞衡入參密勿議憲章則力崇禮教詳學制則注重經書理財惟恐傷民教戰必先選將自兩宮之奄棄彌臣職之憂勞七皂不驚共球無恙朕誕膺丕緒優敘耆賢恩資頻加忠勤益矢當內政外交之急方期翊協機宜挽民風土習之詖尤賴昌明正學胡乞身之遽告竟萎哲之旋驚天不憖遺邦之殄瘁遺親臣而莫醲稽典禮以飾終厚賻帑金潔齋經被上諡錫易名之美崇階贈太保之榮祀秩賢良賞延孫子於戲老成長謝國家之多難何堪

世局方新忠讜之遺言常在靈其不昧尙克歆承

張文襄公集

卷首上

四

諭葬碑文

朕惟酬庸典重千秋彰元輔之名幹國勳高一代樹賢臣之範惟康濟能規於閔遠斯褒揚允極於優崇用賁溫綸式光偉烈爾晉贈太保原任大學士張之洞忠誠夙著廉正不阿峴國器於英年蔚經生於早歲賈董登朝之日政事研精馬班修史之文宏通馳譽駢羅楚寶濯江漢而炳靈蒼萃蜀才慙岷峨而擢秀疇咨典禮設縣絕而折羣言規畫邊方抒長策而謀遠略北盟既定西顧爲勞遂以清切近臣旬宣右輔際歲祲之屢告流汾滄以和甘信地險之能通開井陘而軼蕩旣而揚旌張文襄公全集

卷首上

五

粵嶠秉節炎維泥嘯聚於妖徒樵市司於番舶交趾之傳烽綴靖銅柱摩天崖僧之列戍森嚴金城表海蓋猷日茂恩命爰申移荆楚之名區守郢襄之重鎮官分鐵冶山川咸貢其精英器置軍監礪壘深明夫形勢然後輪人造軌起漢渚而連轍野廬治塗達京畿而接軫盡地利天財之用探入官物曲之原復以重臣再權江左控南溟之地要戢西旅之天驕值翠罕以時巡情深就日奠金甌而鞏固績懋防秋勤卅載之馳驅奉一誠爲匡贊遂登綸閣兼領樞垣宣室都俞寄心腹股肱之任贊官教育綜周秦漢宋之遺毗輔方殷形神靈粹隆

賜藥愴越宿以淪徂禮重頒矣俾飾終而優渥崇銜持
晉躋侑食於賢良世胃能延勵前勞而眷注考其德業
諡曰文襄於戲惇史有光永表匡時之碩畫太常是紀
庶酬體國之豐功書誄詞以勸貞珉資衡繼而營兆域
欽予時命樹厥新阡

入祀賢良祠諭祭文

朕維運籌決策資輔弼之良謨崇德報功垂國家之懋
典既炳旂常之績宜升俎豆之香言眷成勞用隆秩祀
爾晉贈太保原任大學士張之洞視躬廉正績學闡深
早擢巍科旋登上第秉軺奉使敷雅化於荆襄持尺量
才振文風於巴蜀歷膺清秩特荷榮施任專閫而山右
宜勤領兼圻而粵中奏績重移旌旆鄂州居天下要衝
遙贊樞機申伯作南方表式極造端之宏大冀收效於
富強暫督兩江寇恟仍留河內允孚一德司馬遂相中
朝既正綸屏兼參機幄強民宜開智識提倡學風利國
張文襄公全集

在便交通綜持路政凡茲中外之敷歷炳然勳業之昭
垂而當海國聯兵東南保衛 先皇顧命上下誠和益
徵夙夜之忠勤允爲社稷所依賴藐躬嗣服寵任頻加
俾掄要義於講筵更挈宏綱於實錄屬膺末疾彌示眷
懷屢展休期因頒上藥方謂調和元氣當爲翼日之瘳
何期猝至沈疴遽悼大星之隕遺章省覽雪涕漣洏頌
國帑以治喪遣親藩而臨醴飾終備禮用晉崇階考行
易名特隆殊朕嘉茲碩學文丕煥夫雲章念爾豐功襄
彌勤夫日贊更記功宗而命祀俾延廟食於無窮於戲
立德立功立言允符往哲有猷有爲有守克紹前型碩

輔宏謨垂沐光於簡冊崇祠嘉薦隆美報於馨香惟靈有知庶其歆格

奏摺

趙爾巽

頭品頂戴四川總督奴才趙爾巽跪奏爲已故大學士前在四川學政任內興學有材成效卓著據情籲懇天恩宣付史館恭摺仰祈聖鑒事據署提學使趙啟霖詳轉據四川在籍紳士侍講學士銜翰林院編修伍肇齡等聯名呈稱原任大學士張之洞學術淵深風規宏遠夙爲中外所推重本年在京病歿仰荷朝廷優詔褒卹賜祭易名生平事蹟宣付史館立傳飾終之典至渥且優薄海臣民同深欽慕已屬無可贅瀆惟該大學士歷官各省無不以崇尚儒術修明文教爲先圖其前在四川學政任內興廢舉墜明教作人沾溉之宏造就之廣尤有歷久彌繫人思者先是川省僻處西陲人文未盛士林之所馳騁率不出帖括章句之圖自同治初年該大學士典試西來始拔取續學能文之士如武謙吳德瀾諸人以爲之倡士風始爲一變旋奉命提督四川學政則會商前督臣吳棠奏設專經書院擇郡縣高材生肄業其中延聘名儒分科講授院內章程及讀書治經之法皆該大學士手訂條教精密略如訪誥經精舍學海堂規模復以邊省購書不易捐置四部書數千卷起尊經閣度藏之藉供生徒瀏覽並開書局刊行小學經史

諸書流布坊間以備士人誦習之資自是比戶橫經遠近景慕蜀中乃彬彬多文學矣其校士各屬也以川省槍替之風內通經承外結廩保不易究詰特用鈎距之法摘發其姦一時人驚爲神無敢犯者宿弊以清又自撰論說勸紳富捐舍學田優免新生卷費以恤寒賤至今州縣興學之資多取給焉川省學政素號腴缺該大學士廉介自矢於例得參費銀二萬兩辭而不受其他恩優歲貢及錄遺諸費皆定爲常額不許婪索及去任無錢治裝出售其所刻萬氏拾書經版始克成行以去該大學士嘗謂人曰四川督學署積塵盈屋我第掃除

張文襄公全集

卷首上

十

明絕學師表人倫自重類能守其緒餘克自樹立教澤所及全川化之迄今學校大興人材蔚起文化之程翹然爲西南各省最蓋非該大學士陶鎔誘掖之力斷不及此紳等景仰前徽緬懷遺澤理合臚陳事蹟請予奏懇天恩宣付史館以光志乘而垂不朽等情呈請具奏前來奴才伏查原任大學士張之洞起家翰苑屢掌文衡迄後數歷中外勳猷懋著其文章政蹟久在聖朝洞鑒之中無待贅陳顧其生平精神所寄尤在振興教育儲養人才以備國家緩急之需而救當世空疏之習凡所施設皆儼然有古大臣風故其在粵則設有廣雅書院在鄂則設有兩湖書院與蜀中之尊經書院鼎足而三後先繼美皆以啟迪新知保存國粹爲百年樹人之計正不徒補苴目前而已奴才夙聆該大學士之論議輒用心折比年疊膺疆寄自鄂而蜀皆踵該大學士教成之後見其造端宏大訓迪有方愈歎敬以爲難及而川省處交通閉塞之區值兵燹疊經之後該大學士薰陶培育用能以數年之間澤舍陋以詩書化樸愚爲才俊文化幾與東南各省埒其程功尤非易易近年推行新政廣厲學官莘莘學子咸以通貫爲榮以拘墟爲恥而老成尙有典型文學猶存矩矱經史教授之選皆取

張文襄公全集

卷首上

十一

資於本省而略足卽平日聞見所及其中亦不乏淹貫宏通傑出不羈之材足以儲爲世用使再需以歲時進步正未可量事固有致力於數十年以前而收效於數十年之後者此類是也以該大學士豐功偉績誠非與學一端所能盡卽就興學之事言之其功已有不可沒如此者奴才採西蜀之輿評溯東山之遺蹟俯仰今昔彌切欽遲合無仰懇天恩俯准將原任大學士張之洞前在四川學政任內事蹟宣付史館編入列傳以補史官考訂所不及出自逾格鴻慈所有已故大學士興學有材成效卓著據情籲懇宣付史館緣由理合恭摺具

張之洞全集

卷首上

三

陳伏乞 皇上聖鑒訓示謹奏

宣統元年十二月初六日奉

硃批著照所請該衙門知道欽此

又

張人駿

頭品頂戴兩江總督臣張人駿奏爲已故督臣勳績卓著遺愛在民籲懇恩准建立專祠以昭崇報恭摺仰祈聖鑒事竊據在籍江蘇紳士翰林院侍讀學士黃思永等聯名呈稱已故大學士前署兩江總督張之洞早擬巍科歎愿中外凡所敷施難以罄述而兩江被澤宏遠民不能忘紳等間見既有不敢妄於緘默者查張之

洞前署兩湖於光緒甲午十月調署江督下車之初適中東事起海防北路以海州爲急南路以金山乍浦爲急維時江南統領鎮將半湘淮軍舊部承平既久暮氣已深乃分別撤換奏調前雲南提督馮子材率粵軍防海州任宿將朱洪章防金山沿海賴以無恐復聘德國將弁練自強軍二千六百餘人並以江防之寶山江陰鎮江等處礮臺皆舊式窳敗一律改修購置泰西新式礮五十餘尊城北獅子山幕府山亦創修新式礮臺二十餘座設立總分臺官專司防守江南兵士之有新操及礮臺之有西式利器者均自此始迨壬寅十月再次

張之洞全集

卷首上

三

署任整飭嵯網裁撤叢弊之大通蕪湖各鹽掣卡釐定十二圩鹽棧新章奏派大臣認真緝私南鹽每歲增銷十餘萬引入告之疏遐遍傳誦謂與會國藩之整頓南鹽萬綱於票沈實積之整頓北鹽畫分三販者先後媲美庚子賠款兩淮鹽政擔任一百二十餘萬支應局撥補無著之款每歲六百餘萬江北十三協餉銀數十萬皆賴此挹注成效彰彰在人耳目其他如修江甯省城及上海南市馬路以便交通並於南市設立巡警杜外人侵入華界以保政權裁停陳舊輪船訂購日本廠兵輪四艘以壯海軍至今猶利賴之庚子之役風鶴頻驚

張之洞時在兩湖與前任江督劉坤一往復電商咨會商約大臣今郵傳部侍郎盛宣懷與駐滬各領事堅明要約力任保護各國人命財產不任洋兵闖入華界一步厥功尤偉江蘇人士追懷舊德感慕盡獻允宜請建專祠以永謳思等情呈請具奏前來臣查已故大學士張之洞起家詞館歷任封圻入贊綸扉參預樞密朝廷大經大政多所襄贊卽其在晉在粵在鄂亦皆卓著勳勞久荷聖明洞鑒至兩次署任江督爲時雖屬未久而於江防海防軍政鹽政諸要端規畫靡遺尤以庚子保護東南大局關繫至鉅其功實與劉坤一相埒去秋病

張文襄公全集

卷首上

十四

歿仰蒙優詔軫惜卹諡有加飾終之典已極優渥今江蘇士紳舉其江南政績請伸報祀實出於愛戴至誠合無仰懇天恩俯准如該紳等所請爲已故大學士前署兩江總督臣張之洞在於江甯省城建立專祠由地方官春秋致祭以彰盡績而順輿情出自鴻施逾格謹會同江蘇撫臣程德全恭摺具奏伏乞 皇上聖鑒訓示謹奏

宣統二年十月二十八日奉

硃批著照所請該部知道欽此

又

吳祿貞

鑲紅旗蒙古副都統臣吳祿貞等跪奏爲已故大學士官鄂最久功德在民籲懇天恩俯准建立專祠恭摺仰祈聖鑒事竊原任大學士張之洞以翰林起家出掌文衡迭膺疆寄洊陟綸扉去秋因病出缺海內人士均以老成凋謝同聲惋惜官跡所歷追悼彌殷 皇上篤念盡臣卹諡有加已屬無可贅瀆惟該故大學士厥歷中外四十餘年自同治七年視學湖北光緒十五年總督湖廣先後官鄂二十餘年在官最久政績最著所以繫人民之去思者亦特深自該故大學士入閣後學界立有抱冰堂軍界立有廣雅堂以表甘棠之念聞該故大

張文襄公全集

卷首上

十五

學士卒於位則皆私設木主春秋致祭猶援賢臣祀典功德在人與建專祠之例而商臣等同鄉京官以爲宜具奏請旨建立專祠上副朝廷之褒崇下示人民之謳頌臣等竊維該故大學士歷事先朝公忠廉正內贊大計外鎮兼圻與故直隸督臣李鴻章皆以宣勤最久勳望相埒凡所設施類能先天下而獨憂登斯民於衽席溯自粵匪倡亂湖北屢被蹂躪克復以後故撫臣胡林翼竭力支拄恃以供給中原雖戰守有資而瘡痍未復該故大學士蒞任鑒外侮之紛乘圖內力之充實休養生息民困漸蘇其爲政務於開濬利源使政費有出事

業無廢而民不覺擾累比年以來湖北以小省而負擔義務特重皆故大學士擴張官營事業爲收入大宗輔以消費各稅故貧民之加擔有限公家之歲入驟增近因稅源納諸中央官業日卽收縮財用告匱新政漸停益知故大學士之苦心焦思爲鄂民籌教養之資者其功德終不可誣也平生事蹟不可殫書謹就臣等間見所及分條彙述爲我 皇上陳之一曰學政教育一端該故大學士最所注重自視學湖北卽建經心書院講明經術及在總督任內首建兩湖書院及武備自強各學堂規模宏遠成就甚衆值與學命下復廣建師範實

張文襄公全集

卷首上

六

業方言諸學省垣之內廣廈如林猶恐地方教育未能普及力籌賠款而以各州縣認捐款項撥還就地辦學於是鄂省境內立校始遍歲選茂異分赴東西洋就傳費資頗巨造士之多亦甲於天下京內外舉行新政率皆借才爲用此其辦學之明效也一日軍政光緒二十一年湖北陸軍改用新法該故大學士首注意於將材軍器廣置軍學資遣出洋學生以資教練創設槍礮廠無煙藥廠植中國軍械專廠之初基又購置兵輪魚雷艇以重江防長江上下恃以鎮攝此其練兵之實績也一日實業通商以來武漢浸成巨埠而輸入日增漏卮

難塞該故大學士創造紡紗織布線絲製麻各廠以抵制外貨外設勸業善技益智各廠以啟迪民智修水利以防氾濫鑄銀幣以資運轉倡辦京漢各路以利交通開採煤鐵諸鑛以開地利凡有興作不避艱鉅此其振興實業之惠政也他如建言定策條陳時政利賴所及更僕難終而最關係大局者尤在庚子變亂保護東南平和之舉維持半壁轉危爲安其功固在朝廷而不限於一隅然全鄂人民獲免塗炭以是尤思該故大學士不置此次請修祀典實出於愛戴至誠前兩江督臣張人駿奏請於江甯建立該故大學士專祠業經奉旨俞

張文襄公全集

卷首上

七

允而鄂民受惠尤深感恩彌篤臣等夙託門牆克聆緒論念以養以教之功懷樹木樹人之計凡所盡節於朝廷多承故相之薰育衆情懷德江漢同深疊經在籍紳民函商臣等意見會同合無仰懇天恩俯准於湖北省城捐建該故大學士專祠由地方官春秋致祭以隆報享而順輿情出自逾格鴻施謹合詞恭摺具陳伏乞皇上聖鑒訓示謹奏

宣統二年十一月二十四日內閣奉

上諭副都統吳祿貞等奏已故大學士官鄂最久功德在民懇恩准建專祠一摺已故大學士張之洞前任湖

廣總督先後二十餘年政績最著遺愛尤深著准其於湖北省城捐建專祠由地方官春秋致祭以順輿情欽此

張文襄公全集

卷首上

六

墓誌銘

陳寶琛

景廟西狩回蹕之六年庶政整頓朝臣無足與圖深規遠者乃詔召體仁閣大學士湖廣總督南皮張公入贊樞機兼筦學部尋充經筵講官逾年上疾大漸孝欽皇太后仍棄羣臣醇親王監國攝政公以顧命重臣鎮綏內外海內望新治而公積憂勞成疾十閱月遽薨於位朝野震驚如傾梁棟蓋公抱體國之忠救時之略膺疆寄垂三十年英流碩彥羣冀公持鈞軸莫區夏者殆十年二十年而需迫歸邇重奪之速天之不弔何如也公諱之洞字孝達一字香濤舉咸豐壬子順天鄉

張文襄公全集

卷首上

五

試第一同治癸亥廷對用直言時政擢一甲三名進士授編修歷官國子監司業詹事府左中允司經局洗馬翰林院侍講侍讀詹事府右庶子左庶子翰林院侍講學士擢內閣學士出爲山西巡撫擢兩廣總督移湖廣再權兩江平日論學言政以法聖崇王爲體以進夷子霸致國富強爲用官翰詹時使俄大臣崇厚定俄約不詳失伊犁地數百里疏爭數十卒改前約還伊犁他所捐陳皆關至計山西舊有土鐵出洋之禁民間歲輸官鐵路紬又苦充驛公至一蠲除之經略邊外七廳蒙地爲興屯練兵計繼者踵其法事遂辦法越之役朝議和

戰不決法乘隙擾臺灣及閩公至粵則建政越救臺之議大舉洋債以強半助滇桂越臺諸軍而特遣馮子材王孝祺兩軍援桂遂克諒山法以就款初鐵路議興言者或疑其非便李文忠公小試之於京津公謂宜大興盧漢以經南北之脊則粵漢川漢甯滬蘇杭次第可舉在粵奏上之於是朝廷移公督楚公之督粵也注邊海之防越事定後汲汲奏移廣西提督駐龍州建欽廉鎮南關礮臺設守瓊州經營榆林港於粵閩廠造兵船十數設水陸師學堂以練將清關稅鹽課鑄銀幣權煙膏以裕餉嚴治盜以清奸及移楚則一以路政工業爲務

張義公全集

卷首上

三

大冶產鐵江西萍鄉產煤公設煉鐵廠漢陽既奏開之資路用兼造礮械以荆壤宜桑棉麻桌而饒皮革也因設織布紡紗纈絲製麻製革諸局佐之以隄工通之以幣政用盡地利抵洋貨而中東事起上下議變法新學科武備始公典試提學浙江湖北四川迄任疆帥所至創立書院以通經學古提倡士風謂求才必由學於鄂於蜀有經心尊經於晉有令德堂於粵有廣雅比督楚復創兩湖書院其權江督也巡閱江防礮臺察南北營政於陳臺礮礮將情兵悉與更易募德弁練江南自強軍至是乃首采東西規制廣立文武農工商鐵路方

言軍醫諸學堂遣遊學設將校講習所籌款造船又以邪說誣民著勸學篇聞之雖叢忌毀不顧也洎夫拳亂召戎大局危岌而公計益紆忠益明心乃益苦矣於時中外沸騰公叠請剿匪護使館不報則急電各國外部及來華水師將領暨各領事立約保護東南測聯軍必入京督撫中有聯名阻乘輿西幸者公聞大驚急電撤銜疏論之俄乘拳亂占東三省脅將軍增祺定新約關東權利盡失聯軍和約成迫全權畫押有日矣公力爭得宸既日俄爭東權擄兵或邀公出勸止拒之兩國定約兵解東三省以全其振大綱斷大計類此公爲政經

張義公全集

卷首上

三

畫恢宏而綜理微密千條萬端一心默識用財繁浩大率取之中飽私規不竭民膏不侵庫款其對外如拒赫德之議設沿海巡航加農賦免稅釐英提督貝思福之代練華兵美員精琦之圖攬幣政聯軍各國之請濟吳淞口日德商船之逾越漢口馬頭收回美比合興公司之承辦粵漢鐵路皆據理抗爭務以保全國權爲主抗懷千載所在祠其名賢先哲若晉杜成侯陶桓公唐裴李宋韓范司馬無日不流連心口間爲學兼師漢宋去短取長強說經襲公羊文字撫六朝謂爲權詭亂俗癸卯入覲恍然於中學式微道法將墜手訂學堂堂章程於